

15. oktober

UKA2018/188

Uunga siunnersuut: Imaani avatangiisit illersorneqarnissaat pillugu Inatsisartut inatsisaata allanngortinneqarnera pillugu Inatsisartut inatsisissaat nr. xx, xx. xxx 2018-imeersoq.

(Naalakkersuisut siulittaasuat)

Imaani avatangiisit illersorneqarnissaat pillugu Inatsisartut inatsisaata allanngortinneqarnera pillugu Inatsisartut inatsisissaat matumuuna saqqummiunneqartoq Siumumiit imaattumik oqaaseqarfigissavarput.

Siumumiit paasivarput allannguutissatut siunnersuummi matumani imaani avatangiisit illersorneqarnissaat pillugu Inatsisartut inatsisaata kalaallisut danskisullu oqaasertaat assigiilersinniarlugit iluarsiissuteqarnissaq siunertarinqartoq.

Aammalu paasivarput Naalakkersuisut inatsimmi allannguutissanik marlunnik saqqummiussa-qartut.

Allannguutissaq siulleq oqartussaasut imaatigut angallatinik misissuinissamut nakkutilliinissamullu piginnaatinneqarnerinut erseqqissaammik imaqarpoq. Allannguutissatut siunnersuummi oqartussaasut imaatigut angallatinik misissuinerminnut nakkutilliinerminnullu atatillugu allagaatinik assiliinissamut, assileeqqiinissamut imaluunniit allagaatinik kiisalu pigisanik allanik akeqanngitsumik nassarnissamut periarfissinneqarput.

Allannguutissap aappaa pineqaatissiisarnermut aalajangersakkanut tunngasuvoq, tassanilu imartami unioqqutitsinerit imartap avataani unioqqutitsinernut maleruagassanit sakkukinnerunngitsumik pineqaatissinneqartarnissaat qulakkeerniarneqarpoq.

Taamatut oqaaseqarluta siunnersuut Siumumiit akuersaarparput.

Oqallilluarisilu

Jens Danielsen, Siumut